



Inatsisartuni ilaasortaq
Agathe Fontain
-/ maani

§ 37-mut tunngatillugu Inuit Ataqtigiit sinnerlugit Inatsisartunut ilaasortap Agathe Fontain-ip telepsykiatri pillugu apeqqutaanut akissut.

27. januar 2014
Suliap nr. 2014-095182
All. Nr. 1467182

Inatsisartunut ilaasortaq telepsykiatri pillugu itisiliilluni apeqquteqarneranut qutsavigaara:

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

1. Sinerissami tarnimikkut napparsimasut sullinneqarneri suli pitsanngorsarniarlugu Naalakkersuisut sunik suliniutinik pilersaaruteqarpat?

Sinerissami tarnimikkut nappaatilinnik sullissinerup tamatumunnga ilanngullugu qarasaasiakkut nakorsartitsisarnerup pitsannguuteqartinnissaata Naalakkersuisunit kissaatigineqarnera tunngavigalugu qarasaasiakkut attaveqatigiinnerup ineriartortinnissaanut iliuusissatut suliniummit aningaasaliiffigineqarpoq.

Tarnimikkut nappaatilinnik sullissinerup tunngatillugu "Tarnikkut nappaatilinnik katsorsaaneq pillugu nassuiaateqareernerme killiffik" Kalaallit Nunaannilu qarasaasiaq atorlugu tarnikkut nappaatilinnik katsorsaaneq pillugu nassuiaat atuutilersitsinissamullu iliuusissatut siunnersuut 2012-imi suliarineqartuni innersuussutit nassuiaatigineqartut, Naalakkersuisunit nangillugit sulissutigineqarput. Qarasaasiaq atorlugu tarnikkut nappaatilinnik nakorsartitsisarnerup tunngatillugu iliuusissatut siunniussa, pinasuartarialinnut, nakorsartitsinissanut nalinginnaasunut napparsimasunillu angerlartitsinerup atatilugu, qarasaasiakkut nakorsartitsissutip atorneqarnissaanut aalajangersimasumik neqerooruteqalernissaq siunnersuutaapput.

Tamatuma saniatigut qarasaasiaq atorlugu tarnikkut nappaatilinnik nakorsartitsisarneq pillugu misilittakkanik paarlaasseqatigiinnissaq EU-mit suliniutaasoq, 2014-imi marsi qaammat aallarnerfigalugu ukiuni pingasuni ingerlasussa, tarnikkut nappaatilinnik sullissisunit peqataaffigineqassaaq.

2. Telepsykiatrip atorneqarnera allisarniarlugu aammalu telepsykiatri atorneqarnera siunissami pitsanngorsarniarlugu sunik Naalakkersuisut pilersaaruteqarpat?

Innutaasut najukkaminnut sapinngisaq tamaat qaninnerpaami, ilisimasat tunngavigalugit sullissinerme pitsaassuseq eqqarsaatigalugu peqqinnissakkut sullinneqarsinnaanissaat, Naalakkersuisut suliniutigaat. Tarnikkut nappaatilinnik sullissinerme qarasaasiakkut nakorsartitsineq tamatumunnga sakkusaavoq.

Nuup avataani sulisunut tarnikkut nappaatilinnik- nappaatip suunera apeqqutaatillugit sullissisunut qarasaasiakkut nakorsartitsisarneq pillugu ersarissunik ilitseruusiortoqassaaq.

Tamatumunnga atatilugu suleqataasunik videokkut isiginnaarutit tarnikkut nappaatilinnik oqaloqateqarnerme atorneqartartut atorlugit ikorfartuisoqartassaaq siunnersuisoqartassalunilu.

3. Sinerissami psykiatri-mi sulisut telepsykiatri atorlugu pikorissarneqarniarpat?

Suliniuummi EU-mit aningaasaliiffigineqartumi peqataanissaq siunertaralugu, nunap imikkooortuini tarnikkut nappaatilinnik sullissisut ilinniartitaanissaat pilersaarutaavoq. Tamatumani saniatigut piginnaanngorsaqqinnissamik pisariaqartitsineq malinnaavigineqartuassaaq.

4. Sinerissami psykiatrimini telepsykiatri atorlugu sullinneqartut qasserpiaat ulumikkut kalaallisut oqaasilimmik psykiaterimik sullinneqartat?

Suli kalaallisut oqaasilimmik tarnip nakorsaqaqngilaq.

5. Qassit nutserisoqarlutik sullinneqartat?

Peqqinnissaqarfiup ilaani allanisulli tarnimikkut nappaatilinnik sullissisut nutserisoqarput. Oqalutseqarnek pissusisamisoorutut isigaarput taamaammallu pisariaqartat tamanit atorneqarnissaa kajumissaarutigisarlugu. Oqalutsilerluni katsorsaanerit nalunaarsugaangillat.

6. Telepsykiatri-p atorneqarnera pillugu nalunaarusiaqarpa imaluuniit assingusunik naliliinernik peqarpa?

Imm. 1-imi akissut inussiarnersumik innersuussutigaa

Inussiarnersumik inuulluaqqusillunga


Steen Lyng